

Høyringsuttale – Framlegg til innretning på havbruksfondet

Vi viser til høyringsbrev frå Nærings- og fiskeridepartementet 10. desember 2015 med framlegg til innretning på havbruksfondet. Høyringsforslaget er ei oppfølging av Meld. St. 16 (2014-2015) der Næringskomiteen i si innstilling til meldinga gjekk inn for at 80 % av vederlaget av ny kapasitet skal tilfalla kommunal sektor, medan statens andel skal være 20 %.

Denne uttalen støttar hovudsynspunkta som både Nettverket for kystkommunane (NFKK) og Sjømat Norge har kome med i høyringa. Begge organisasjonane er positive til at Departementet etablerer ei fast ordning som vil vera med på å auka inntektsgrunnlaget for kystkommuner med havbruksverksemd som følgje av ny kapasitet. Dette er viktig for å leggja til rette for ei positiv utvikling av dei lokalsamfunna som stiller naturgrunnlaget sitt til disposisjon for ei vidare utvikling av havbruksnæringa. Norsk havbruk har, og er i framtida utpeika til å ha, ei stor og viktig betydning både lokalt, regionalt, nasjonalt og internasjonalt.

Fordelingsnøkkel av midlene

- Hovuddelen, 60 %, bør fordelast mellom kommunane ut frå den einskilde kommunen sin andel av total lokalitetskapasitet. Det vil sikra ei rettvis fordeling der dei kommunane som har vore flinke til å leggja til rette for havbruksaktivitet får ein relativt større andel av midlane enn de kommunane som i mindre grad har havbruksaktivitet i sitt område. Som lokalitet reknar ein her og med dei som ikkje er i bruk, fordi dei likevel legg beslag på areal. Det vil og forenkla forvaltninga av ordninga.
- For å gje kommunane eit insitament til å sikra nye og betre eigna lokalitetar, bør ein mindre del 10 %, fordelast mellom desse kommunene ut frå deira andel av nye eller utvida lokaliteter.
- Dei resterande 10% av midlane bør gå til fylkeskommunen for dei samordningsfunksjonar den har i dag innanfor dette feltet på tvers av dei kommunegrensene ein har i dag.

Tildeling av midler

- Lokalitetskapasitet per 31.12 må liggja til grunn for utrekning av grunnlaget for neste år.
- Direkte utbetaling frå fondet når vederlaget for auka kapasitet er innbetalt, er å føretrekkja. (jfr. 6.4.2 i høyringsbrevet). Det krev lite administrasjon sentralt, og forvaltninga av utdelte midlar vert overlate til mottakarkommunen.
- Tildeling av midler fra Havbruksfondet må koma i tillegg til, og ikkje til erstatning for, andre tilskudd/inntektsoverføringer fra staten til kommunene.

Jondal har fått berekna ein lokalitets-MTB på 15 015 tonn. Det utgjer 0,49% av den totale produksjonen i landet.